



第一四六七册

四庫全書

●上海古籍出版社

上海古籍出版社

本冊目次

粵西文叢
載載 (三)

清汪森編……………一

第一四六十三冊

欽定四庫全書

集部
粵西文載卷六十二

評校官庶吉士臣明圖禮

主事銜臣徐以坤覆勘

總校官庶吉士臣朱齡

校對官中書臣牛稔文

騰錄進士臣沙重翰

欽定四庫全書

粵西文載卷六十二

桂林府通判汪森編

傳

名宦

秦史祿以史監郡始皇帝伐百粵使尉屠睢發卒五十萬為五軍一軍塞饒城之嶺一軍守九疑之塞一軍處番禺之都一軍守南野之界一軍結餘干之水史祿轉

欽定四庫全書

粵西文載
卷六十二

餉鑿渠而通糧道自海陽山導水源以湘水北流入于楚融江為泮河下流南入于海遠不相謀轉餉為勞量為磯以激水於沙礧中壘石作鐮派湘之流而注之融激行六十里置陡門三十六舟入一陡則復閘一陡使水積漸進故能循崖而上建瓴而下既通舟楫又利於灌田號為靈渠

漢路博德西河平州人元鼎五年秋拜伏波將軍討南粵六年冬南粵平遂以其地為儋耳珠崖南海蒼梧鬱

林合浦交趾九真日南九郡

羅弘長沙人元封五年初置交趾部刺史察所部郡國治所在蒼梧郡往刺史多以荒遠行部罕過部吏因得恣其貪殘弘為刺史春行冬息徧歷所部咨詢疾苦太守多解綬請罪弘廉實舉發一時貪殘為之斂迹

劉外南陽人元康初任鬱林守約己愛人卓有政績

何敞九江人元始中為刺史蒼梧廣信縣寡婦蘇娥以

窮羸不能自振將所有雜繒百二十匹欲往旁縣賣之

欽定四庫全書

粵西文獻
卷六十二

二

己賃牛車載繒其上與婢俱往暮止鵲奔亭是夜為亭長龔壽所殺及其婢踰年未發敞行部宿亭中夜未半娥出告敞乃遣吏捕壽拷問具服下廣信縣驗問與娥語同收壽父母兄弟皆繫獄請並斬以助陰誅報曰可東漢費貽捷為南安人公孫述據蜀時徵之漆身為癩佯狂以避述亡光武徵為合浦太守

馬援字文淵茂陵人建武十七年交趾女子徵側徵貳反寇略嶺外六十餘城側自立為王於是拜援伏波將

軍擊交趾至合浦緣海而進隨山刊道千餘里至浪泊

上與賊戰破之追至禁谿明年正月斬徵側徵貳傳首

洛陽封援為新息侯食邑三千戶援遂擊九真賊徵側

餘黨都羊等嶠南惡平援所過輒為郡縣治城郭穿渠

灌溉以利其民條奏越律與漢律駁者十餘事與越人

申明舊制以約束之自後駭越奉行馬將軍故事乃鑄

銅柱立界上二十年秋振旅還京師

喻猛和帝時蒼梧太守以清白為治郡人頌之

欽定四庫全書

粵西文獻
卷六十二

三

綦母俊上虞人安帝時為刺史元初三年合浦蠻反遣御史任連督州郡兵討之俊以蒼梧當合浦下蠻或流劫猝難回顧乃先保障蒼梧後往合浦所向摧靡功當封賞上書歸功于連自謂致寇當誅詔下美之論者稱俊能讓

陳稚升蒼梧太守治尚清靜民化之囹圄恒空臨水釣魚以自適

陳臨字子然南海人永建中蒼梧太守推誠而理有殺

人者為吏所獲臨知其無嗣令其妻侍獄中後產一男
郡人歌之

張喬永和二年日南象林徼外蠻巨區憐數千人攻象
林縣燒城寺殺長吏交趾刺史樊演發交趾九真二郡
兵救之兵士憚遠役遂反攻其郡會侍御史賈昌使在
日南與州郡討之不利遂為所攻圍帝以為憂明年召
公卿百官問其方略皆議遣大將發荆揚兗豫四萬人
赴之李固駁其不可謂喬可用帝即拜喬為交趾刺史喬
欽定四庫全書

卷六十二

四

至開示慰誘之並皆降散嶺外復平

夏方九江人建康元年日南蠻千餘人攻縣邑方為交
趾刺史聞恩招誘賊皆降服還為桂陽太守延熹三年
居風朱達為亂渠帥屯據日南復拜方為交趾刺史方
威惠素著賊二萬餘人相率降

陳茂字君恩汝南人容止儼恪鬚眉甚偉仕交趾別駕
舊令刺史行部不涉漲海漢永和中盜賊起日南九真
海濱皆震刺史周敞涉海遇風船欲覆茂拔劍訶水神

風即息人望之以為神明莫不仰畏後為荊州刺史

周敞汝南人順帝時交趾刺史懷柔民巨甚有威惠

度尚字博平山陽湖陸人延熹五年長沙零陵賊七八

千人自稱將軍入桂陽蒼梧南海交趾刺史及蒼

梧太守望風逃奔二郡皆沒遣御史中丞盛修募兵討

之不能克豫章艾縣六百餘人應募不得賞直怨恚遂

反焚燒長沙郡縣寇益陽殺縣令又遣謁者馬睦持節

督荊州刺史劉度擊之軍敗睦度奔走桓帝詔公卿舉

欽定四庫全書

卷六十二

五

任代劉度者尚書朱穆舉尚尚躬率部曲與同勞逸廣

募雜種諸蠻夷明設購賞進擊大破之降者數萬人桂

陽宿賊渠帥卜陽鴻鴻等畏尚威烈徙入山谷窮追數

百里遂入南海自以深固不復設備大破平之尚出兵

三年羣寇悉定七年封右鄉侯遷桂陽太守

張磐字子石丹陽人交州刺史延熹五年長沙零陵賊

起攻入桂陽南走蒼梧時荊州刺史度尚廣募蠻夷明

設購賞破其渠帥降者數萬人其餘黨入梧者磐自將

擊之斬捕幾盡尚徵還京餘黨復熾尚恐磐上狀先誣奏磐乃徵下廷尉辭狀未具會赦磐不肯出獄吏謂磐曰天恩曠然而君不出何也磐因自列曰前長沙賊胡蘭作難荆州餘黨散入交趾磐身膺甲冑涉危履險討擊凶患誠斬渠帥餘賊鳥竄荆州刺史度尚懼磐先言畏罪誣奏磐備位方伯為國爪牙而為尚所枉受罪牢獄夫事有虛實法有是非磐實不辜赦無所除如忍以苟免永受侮辱之恥生為惡吏死為敝鬼乞傳尚詣廷

欽定四庫全書

卷六十二

六

功得原磐在官以清白稱孟嘗字伯周上虞人桓帝時合浦太守郡不產穀實而海出珠與交趾比境常通商販先時宰守多貪穢詭人採求珠漸徙交趾於是行旅不至貧者死餓于道嘗革易前弊去珠復還商賈流通以病去官吏民攀車請之乃載鄉民船夜遁去

谷永建寧中營林太守唐鬱古西甌駱越所居永以恩信招降烏潯人十餘萬內屬開置七縣郡人立祠祀之賈琮字孟堅東郡聊城人舉孝廉再遷為京兆令有政理迹舊交趾土多珍產明珠翠羽犀象瑇瑁異香美木之屬莫不自出前後刺史率多無清行上承權貴下積私賂財計盈給輒復求見遷代故吏民怨叛中平元年交趾屯兵反執刺史及合浦太守自稱柱天將軍靈帝特勅三府精選能吏有司舉琮為交趾刺史琮到部訊其反狀咸言賦斂過重百姓莫不空單京師遙遠告寃無所民不聊生故聚為盜賊琮即移書告示各使安其資業招撫荒散蠲復徭役誅斬渠帥為大害者簡選良吏試守諸縣歲間蕩定百姓以安巷路為之歌曰賈父來晚使我先反今見清平吏不敢飯在事三年為十三州最徵拜議郎

欽定四庫全書

卷六十二

七

楊璇字璣平烏傷人父扶交趾刺史有能聲靈帝時璇為零陵太守是時蒼梧桂陽猾賊相聚攻郡縣賊衆多

而璫力弱吏人憂恐璫乃特制馬車數十乘以排囊盛石灰於車上繫布索於馬尾又為兵車專鼓弓弩尅期會戰乃令馬車居前順風鼓灰賊不得視因以火燒布布燃馬驚奔突賊陣因使後車弓弩亂發鉦鼓鳴震羣寇披駭破散追逐傷斬無數梟其渠帥郡境以清

朱儁字公偉上虞人交趾賊梁龍等萬餘人與南海太守孔芝反攻破郡縣光和元年拜儁交趾刺史宣揚威德以震動其心既而與七郡兵俱進斬梁龍降者萬餘

欽定四庫全書

粵西文獻
卷六十二

人旬月盡定

唐頌字德雅番禺人以孝仕為布山令布山在鬱林境中雜以民戶號稱難治頌輔以太和不事威勢挫強捫柔惠及悖戾民感其仁無梗化者後頌卒民報祀之
周乘建安中交州刺史上書云交州絕域習于貪濁強宗聚奸長吏肆狡侵漁萬民今為聖朝掃清一方時屬城解綬者三十餘人

吳步騭字子山淮陰人建安十五年交州刺史劉表所

置蒼梧太守吳巨陰懷異心外附內違騭降意懷誘請與相見因斬狗之威聲大振士變兄弟列在諸郡相率供命南土之賓自此始

黃蓋南海人仕吳為始安太守時郡治初建蓋多所規拓加以嚴飭下不容姦於時吏治最稱能理

薛綜竹邑人黃龍三年合浦太守上疏言鬱林等郡未綏新刺史宜得方略智計假以威寵責其成效從之

呂岱字定公海陵人延康元年代步騭為交州刺史到

欽定四庫全書

粵西文獻
卷六十二

九

州高涼賊帥錢博乞降岱因承制以博為高涼西郡都尉鬱林夸賊攻圍郡縣岱討破之是時桂陽潯陽賊王金合衆于南海界上首亂為害權又詔岱討之生縛金傳送詣都斬首獲生凡萬餘人遷安南將軍假節封都鄉侯交趾太守士燮卒權以燮子徽為安遠將軍領九真太守以校尉陳時代燮岱表分海南三郡為交州以將軍戴良為刺史海東四郡為廣州岱自為刺史遣良與時南入而徽不承命舉兵戍海口以拒良等岱于是

上疏請討徽罪督兵三千人晨夜浮海或謂岱曰徽藉累世之恩為一州所附未易輕也岱曰今徽雖懷逆計未虞吾之卒至若我潛軍輕舉掩其無備破之必也稽留不逮使得生心嬰城固守七郡百蠻雲合響應雖有智者誰能圖之遂行過合浦與良俱進徽聞岱至果大震怖不知所出即率兄弟六人肉袒迎岱岱斬送其首徽大將甘禮桓治等率吏民攻岱奮擊大破之進封番禺侯於是除廣州復為交州如故岱既定交州復進討九真斬獲以萬數又遣從事南宣國化暨徽外扶南林邑堂明諸王各遣使奉貢權嘉其功進拜鎮南將軍黃龍三年以南土清定召岱還屯長沙漚口會武陵蠻夸姦動岱與太常潘濬共討定之濬卒代濬領荊州在武昌頃之廖式作亂攻圍城邑零陵蒼梧鬱林諸郡搔擾岱自表軌行星夜無路權遣使追拜岱交州牧及遣諸將唐法等絡繹相繼攻討一年破之斬式及遣諸所偽署臨賀太守費楊等并其支黨岱清身奉公所在

可述初在交州歷年不餉家妻子饑乏權聞之歎息以讓羣臣曰呂岱出身萬里為國勤事家門內困而孤不早知股肱耳目其責安在於是加賜錢米布絹歲有常限

陸盾字敬宗凱弟也亦烏十一年交趾九真夷賊攻沒城邑交部搖動以盾為交州刺史安南校尉盾入南界喻以恩信務崇招納高涼渠帥黃吳等支黨三千餘家皆出降引軍而南重宣至誠遣以財幣賊帥百餘人民五萬餘家莫不稽顙交域清泰就加安南將軍復討蒼梧建陵賊破之前後出兵八千餘人以充軍用永安元年徵為西陵督封都亭侯後轉左虎林中書丞華覈表薦盾曰盾天恣聰朗才通行絜昔歷選曹遺迹可紀還在交州奉宣朝恩流民歸附海隅肅清蒼梧南海歲有舊風障氣之害風則折木飛砂轉石氣則霧鬱飛鳥不經自盾至州風氣絕息商旅平行民無疾疫田稼豐稔州治臨海海流秋鹹盾又畜水民得甘食惠風橫被化

感神人遂憑天威招合遠散至被詔書當出民感其恩以忘戀土負老攜幼甘心景從衆無攜貳不煩兵衛自諸將合衆皆脇之以威未有如盾結以恩信者也衛命在州十有餘年賓帶殊俗寶玩所生而內無粉黛附珠之妾家無文甲犀象之珍方之今臣實難多得宜在輦轂股肱王室以贊唐虞康哉之頌江邊任輕不盡其才虎林選督堪之者衆若召還都寵以上司則天工畢修庶績咸熙矣盾卒子式嗣為柴桑督楊武將軍

欽定四庫全書

魏書
卷六十二

十三

陸績字公紀吳郡人為鬱林太守遠俗不知學績迪以詩書士慕其風樂其教皆舍里居而從其學滿歸舟輕取石壓之人稱其廉號鬱林石

晉陶璜字世英林陵人父基吳交州刺史璜仕吳歷顯位孫皓時交趾太守孫資貪暴為百姓所患會察戰鄧荀至擅調孔雀三千頭遣送林陵既苦遠役咸思為亂郡吏呂興殺請及荀以郡內附武帝拜興安南將軍交趾太守尋為其功曹李統所殺帝更以建寧豐谷為交

趾太守谷又死更遣巴西馬融代之融病卒南中監軍霍弋又遣犍為楊稷代融與將軍毛吳九真太守董元牙門孟幹孟通李松王業豐能等自蜀出交趾破吳軍于古城斬大都督修則交州刺史劉俊吳遣虞記為監軍薛珣為威南將軍大都督璜為蒼梧太守距稷戰于分水璜敗退保合浦亡其二將珣怒謂璜曰若自表討賊而喪二帥其責安在璜曰下官不得行意諸軍不相順故致敗耳珣怒欲引軍還璜夜以數百兵襲董元獲

欽定四庫全書

魏書
卷六十二

十三

其寶物船載而歸珣乃謝之以璜領交州為前部督璜從海道出於不意徑至交趾元距之諸將將戰璜疑斷牆內有伏兵列長戟於其後兵纔接元偽退璜追之伏兵果出長戟逆之大破元等以前所得寶船上錦物數千匹遺扶嚴賊帥梁奇奇將萬餘人助璜元有勇將解系同在城內璜誘其弟象使為書與系又使象乘璜輅車鼓吹導從而行元等曰象尚若此系必有去志乃就殺之璜璜遂陷交趾吳因用璜為交州刺史璜有謀策

周窮好施能得人心滕修數討南賊不能制璜曰南岸仰吾鹽鐵斷勿與市皆壞為田器如此二年可一戰而滅也修從之果破賊初霍弋之遣璆吳等與之誓曰若賊圍城未百日而降者家屬誅若過百日救兵不至吾受其罪璆等守未百日糧盡乞降璜不許給其糧使守諸將並諫璜曰霍弋已死不能救璆等必矣可須其日滿然後受降使彼得無罪我受有義內訓百姓外懷鄰國不亦可乎璆等期訖糧盡救兵不至乃納之修則既欽定四庫全書

粵西文獻
卷六十二

十四

吳之計帝乃厚加賞賜以為日南太守先是以楊璆為交州刺史毛晃為交趾太守印綬未至而敗即贈璆交州晃及松能子並關內侯九真郡功曹李祚保郡內附璜遣將攻之不剋祚舅黎晃隨軍勸祚令降祚答曰舅自吳將祚自晉臣唯力是視耳踰時乃拔璆以璜為使持節都督交州諸軍事前將軍交州牧武平九德新昌土地阻險夸獠勁悍歷世不賓璜征討開置三郡及九真屬國三十餘縣微璜為武昌都督以合浦大中修允代之交土人請留璜以千數於是遣還皓既降晉手書遣璜息融救璜歸順璜流涕數日遣使送印綬詣洛陽帝詔復其本職封宛陵侯改為冠軍將軍吳既平晉滅州郡兵璜上言曰交土荒裔斗絕一方或重譯而言連帶山海又南郡去州海行千有餘里外距林邑纔七百里令帥范熊世為通寇自稱為王數攻百姓且連接扶南種類猥多朋黨相倚負險不賓往隸吳時數作寇逆攻破郡縣殺官吏臣以疋驚昔為故國所採偏戍在南

粵西文獻
卷六十二

十五

十有餘年雖前後征討翦其魁桀深山僻穴尚有遺竄又臣所統之卒本七千餘人南土溫濕多有氣毒如累年征討死亡減耗其見在者二千四百二十人今四海混同無思不服當卷甲消刃禮樂是務而此州之人識義者寡厭其安樂好為禍亂又廣州南岸周旋六千餘里不實屬者乃五萬餘戶及桂林不羈之輩復當萬戶至於服從官役纔五千餘家二州唇齒唯兵是鎮又寧州興古接據上流去交趾郡千六百里水陸並通互相

欽定四庫全書

粵西文獻
卷六十二

十六

維衛州兵未宜約損以示單虛夫風塵之變出於非常臣亡國之餘議不足採聖恩廣厚猥垂飾擢矧其罪戾改授方任去辱即寵拭目更視誓念投命以報所受臨履所見謹冒瞽陳又以合浦郡土地硠确無有田農百姓唯以采珠為業商賈去來以珠貨米而吳時珠禁甚嚴慮百姓私散好珠禁絕來去人以飢困又所謂獯多限每不充令請上珠三分輸二次者輸一麤者蠲除自十月訖二月非採上珠之時聽商旅往來如舊並從之

在南三十年威恩著於殊俗及卒舉州號哭如喪慈親朝廷乃以員外散騎常侍吾彥代璜彥卒又以員外散騎常侍顧秘代彥秘卒州人逼秘子參領州事參尋卒參弟壽求領州州人不聽固求之遂領州壽乃殺長史胡肇等又將殺帳下督梁碩碩走得免起兵討壽禽之付壽母令鴆殺之碩乃迎璜子蒼梧太守威領刺史在職甚得百姓心三年卒威弟淑子綏後並為交州自基至綏四世為交州者五人

欽定四庫全書

粵西文獻
卷六十二

十七

吾彥字士則吳人仕吳遷員外散騎常侍會交州刺史陶璜卒以彥為南中都督交州刺史初璜死九真戍兵作亂逐其太守九真賊帥趙祉圍郡城彥悉討平之在鎮二十餘年威恩宣著南州寧靖

毛晃仕晉泰始七年守鬱林郡壯勇慷慨為吳將陶璜所執晃不屈而死後人立祠祀之

陶侃字士行潯陽人忤王敦左遷廣州刺史時王敦以王機為交州刺史杜弘據臨賀與溫邵及交州秀才劉

沉謀反侃擊杜弘破之執劉沉於小桂又遣部將許高討機斬之大興初進平南將軍尋加都督交州軍事時交州刺史王諒為賊梁碩所陷侃遣將高寶進擊平之以侃領交州刺史錄前後功加都督交廣寧七州軍事千寶字令升新蔡人為始安太守治尚清靜公退即務著述

南宋顏延之瑯琊人少孤貧好讀書無所不覽少帝即位累遷始安太守領軍將軍謝晦謂延之曰昔荀勗忌

欽定四庫全書

粵西文獻
卷六十二

十八

阮咸斥為始平郡今卿又為始安可謂二始延之之郡道汨潭為湘州刺史張邵祭屈原文以致其意在始安建讀書臺於獨秀山刻五君詠於其中

杜慧度交趾朱載人義熙六年除交州刺史其年春盧循襲破合浦徑向交州慧度拒於石崎破之六月循晨造南津令三軍入城乃食慧度自登高艦放火箭燒循船循中箭赴水死遂斬循及父嘏并循二子並傳首京師以功封龍編侯慧度布衣疏食儉約質素禁斷淫祀

崇修學校歲荒民饑則以私祿賑給為政纖密有如治家咸惠沾洽奸盜不起乃至城門不閉道不拾遺

劉勰字伯猷彭城上里人文帝時除寧遠軍綏建太守元嘉末蕭簡據廣州為亂勰起義兵討之刺史宗慤命為軍府主簿以功封大亭侯除員外散騎侍郎大明初遣費沈伐陳壇不克乃除勰龍驤將軍西江督護鬱林太守勰隨宜剪定大致名馬并得珊瑚連理樹以獻太宗即位遷輔臣將軍尋擢廣州刺史元徽中桂林王休範作亂勰與戰死之勰著聲南土廣人思之贈司空謚曰忠昭

欽定四庫全書

粵西文獻
卷六十二

十九

齊裴昭明聞喜人永明三年始安內史郡人龔元宣云神人與其玉印玉版書不須筆吹紙便成字自稱龔聖人以此惑眾前後郡太守敬事之昭明付獄案罪梁蕭勃天監中定州刺史省刑薄稅勸課農桑民賴以安討李貴於交州克之威名大振

裴遵字深明河東人仕魏為魏郡太守遷廣陵與鄉人

共入魏武廟因論帝王功業其妻甥王蒙之密啟梁武帝云裴邃多大言有不臣迹由是左遷始安致書呂僧珍曰昔阮咸頗延之有二始之歎吾才不逮古人今為三始非其願也後為竟陵太守

陳淳字量字思明其先濟北人世居建業仕梁元帝以軍功封廣晉縣男出為都督桂林刺史王琳擁制湘鄂累遣名量量外與琳往來而別遣使歸陳武帝武帝受禪徵為中撫軍大將軍量所部將帥多總本土文帝使湘州刺史華皎征衡州且以兵迎量天康元年至都吳明徹之北侵也量贊成其事又遣第六子率所部從軍淮南克定改封始安郡公

隋權武字武持天水人少果勁勇力絕人能重甲上馬嘗倒投于井未及泉復躍而出其拳捷如此後進大將軍檢校潭州總管桂州人李世賢作亂武以行軍總管與虞慶則擊平之

陳頴字遵道代州武川人仁壽中朝廷以嶺南刺史縣

欽定四庫全書

卷六十二

二十

令多貪鄙蠻貊怨叛妙簡清吏於是拜頴大將軍桂州

總管十七州軍事及至官大崇恩信民巨悅服

劉方長安人仁壽中交州李佛子作亂據越王故城詔方為交州道行軍總管至都隆嶺遇賊破之進兵臨佛子諭以禍福佛子乃降送於京師

周法尚字道遵安城人桂州李光仕反上令法尚以桂州總管充嶺南安撫大使討之追斬光仕平之

裴肅字神封解人煬帝授肅永平郡丞在官甚得巨人

欽定四庫全書

卷六十二

二十

心歲餘卒巨獠思之為立廟於鄣江之浦

令狐熙字長熙敦煌人開皇中以嶺南數亂徵拜桂州

總管七十州諸軍事大弘恩信其谿峒渠帥相謂曰前

總管皆以兵威相脇今乃以手教相諭我輩其可違乎

於是相率歸附先是州縣生梗長吏多不得之官寄政

於總管府熙悉遣之為建城邑設學校人巨感化焉

唐李襲志字重光金州安康人初仕隋歷始安郡丞大

業末江外盜賊尤甚襲志散家產招募得三千人以守

郡城時蕭銳林士弘曹武微等爭來攻擊襲志固守久之後聞宇文化及弑逆乃集士庶舉哀三日有郡人勸襲志曰公累葉冠族久臨鄙郡蠻貊畏威士女悅服雖曰隋臣實我之君長今江都篡逆四海鼎沸王號者非止一人公宜因此時據有領表則百越之人皆拱手向化追蹤尉佗亦千載一遇也襲志厲聲曰吾世樹忠貞見危授命今雖江都陷沒而宗社猶存當與諸君戮力中原共雪讎恥豈可怙亂稱兵以圖不義吾寧蹈忠而死不為逆節而求生尉佗愚鄙無識何足景慕於是欲斬勸者從衆議而止襲志固守經二年而無援卒為蕭銳所陷銳署為工部尚書檢校桂州總管武德初高祖遣其子玄嗣齎書召之襲志乃密說嶺南首領隨永平郡守李光度與之歸國高祖又令間使齎書諭襲志曰卿昔久在桂州仍屬隋室運終四方圮絕率衆保境未知所統朕撫臨天下志在綏育眷彼幽遐思沾聲教况卿朕之宗姓情異于常家弟姪並立誠效公又分遣首

領申諭諸州情深奉國甚副所望卿之子弟並據州縣俱展誠績每所嘉歎不能已已今並入屬籍著於宗正及蕭銳平江南道大使趙郡王孝恭擬襲志桂州總管武德五年入朝授柱國封始安郡公拜江州都督及輔公柝反又以襲志為水軍總管討平之轉桂州都督襲志前後凡任桂州二十八載政尚清簡嶺外安之後表請入朝拜右光祿大夫行汾州刺史致仕卒於家馮盎字明達高州良德人祖馮弘遣子業浮海歸晉留盎益字明達高州良德人祖馮弘遣子業浮海歸晉留番禺至盎三世矣擒番禺渠賊高法澄洗寶微等遂有蒼梧朱崖地自號總管或說盎王越盎拒之武德五年以地降高祖析為高羅春白崖儋林振八州授盎上柱國封越國公俄而羅賓諸洞獠叛盎率衆二萬為諸軍先鋒賊據險不可攻盎發七矢斃七人賊退走盎縱兵乘之斬首千餘盎善為治閱簿最摘奸伏得民心卒贈左驍衛大將軍荊州都督李靖字藥師三原人武德初以平蕭銳功封永康縣公

檢校荊州刺史乃度嶺至桂州分道招慰酋領馮盎等皆以子弟來謁南方悉定裁量款效承制補官得郡凡九十六戶六十餘萬詔書勞勉授嶺南撫慰大使檢校桂州總管以嶺南陋遠久不見德非震威武示禮義則無以變風即率兵南巡所過問疾苦延見長老宣布天子恩意遠近懽服

張士貴貞觀初龔州道總管時峒獠寇亂士貴督征兵冒矢石所至悉平諸寇降服南土以平

欽定四庫全書

御批文獻
卷六十二

二十四

張大安繁水上元中為太子庶子章懷太子令與洗馬劉訥言等注范曄後漢書光宅中卒於橫州司馬

張九齡字子壽曲江人擢進士為左拾遺坐宇文融謗改太常少卿出冀州刺史九齡以母老在鄉而河北道里遼遠上疏固請換江南一州望得數承母音耗優制許之改為洪州都督俄轉桂州都督仍充嶺南道按察使上又以其弟九章九臯為嶺南道刺史令歲時伏臘皆得寧親尋召為秘書少監集賢院學士至中書令

蕭倣拜嶺南節度使南方珍貳叢夥不以入門家人病取槁梅於厨以和劑倣知趣市還之

李嶠字巨山贊皇人擢進士累官監察御史高宗擊豕巖二州叛獠監其軍嶠入洞諭降之由是罷兵

李尚隱景龍中官河南尹十三年夏妖賊劉定高夜犯通洛門尚隱坐不能覺察所部左遷桂州都督臨行帝使謂之曰知卿公忠然國法須爾因賜雜綵百匹以慰之俄又遷廣州都督仍充五府經畧使及去任有懷金以贈尚隱者尚隱固辭之曰吾自性分不可改易非為慎四知也竟不受之

欽定四庫全書

御批文獻
卷六十二

二十五

裴懷古壽春人初始安賊歐陽倩衆數萬剽沒州縣以懷古為桂州都督招慰討擊使未踰嶺逆以書諭禍福賊迎降自陳為吏侵而反懷古乃輕騎赴之或曰蠻貊難親備之且不信况易之哉答曰忠信可通神明况裔人耶身至壁撫諭情等大喜悉歸所掠出降雖諸峒素讎覆者亦牽連相附嶺外平